



Directivas davart la finanziaziun speziala Sport concernent contribuziuns per promover sportistas e sportists

Sa basond sin l'art. 31 al. 1 lit. a da l'Ordinaziun davart la promoziun dal sport e dal moviment (Ordinaziun da promoziun dal sport)

Relaschadas dal Departament d'educaziun, cultura e protecziun da l'ambient ils 17 d'avust 2022 (Versiun dal 1. da schaner 2024)

Art. 1 Contribuziuns

¹ Per sustegnair la generaziun giuvna da las sportistas e dals sportists grischuns che han lur domicil en il chantun Grischun, ch'èn degns da vegnir promovids e che possedan ina Swiss Olympic Talents Card actuala, stgalim naziunal u ina Swiss Olympic Elite Card actuala, pon vegnir pajadas contribuziuns. *

² Exclus da la contribuziun èn sportists da las disciplinas ballape (umens) e hockey sin glatsch (umens) ch'èn en possess d'ina Swiss Olympic Elite Card.

Art. 2 Inoltraziun e tractament da las dumondas a) adressat

¹ Las dumondas da contribuziun ed ils documents ston vegnir inoltrads cun il formular da dumonda online «Promoziun da sportistas e sportists».

Art. 3 b) agiuntas

¹ Ensemen cun la dumonda ston ils suandants documents vegnir inoltrads sin via electronica:

- a) Copia da la Swiss Olympic Talents Card valaivla, stgalim naziunal u Swiss Olympic Elite Card valaivla; *
- b) l'indicaziun dal conto, sco ch'el è registrà tar la banca u tar la Posta.

Art. 4 c) termin d'inoltraziun

¹ Las dumondas da contribuziun pon vegnir inoltradas mintga onn durant la valaivladad da la Swiss Olympic Card pretendida (decisiva è la data d'entrada dal formular online). *

Art. 5 d) decisiun davart contribuziuns

¹ Davart il pajament da contribuziuns decida il Departament d'educaziun, cultura e protecziun da l'ambient.

² La decisiun vegn communitgada en scrit a las petentas ed als petents.

Art. 6 e) calculaziun da la contribuziun

¹ La generaziun giuvna da sportistas e sportists grischuns che posseda ina carta da talent actuala da Swiss Olympic, stgalim naziunal, survegn ina contribuziun da sustegn da 1000 francs per onn. *

² La generaziun giuvna da las sportistas e dals sportists grischuns che possedan ina Swiss Olympic Elite Card actuala e che n'èn betg pli vegls che 25 onns, survegnan ina contribuziun da sustegn da 2000 francs per onn. *

Art. 7 f) pajament da la contribuziun

¹ La contribuziun vegn pajada automaticamain.

Art. 8 Cundiziun

¹ Las contribuziuns vegnan pajadas, sut la cundiziun che las marcas «graubündenSport» e «Swisslos» vegnian preschentadas en moda adequata.

Art. 9 Recurs

¹ Cunter las decisiuns dal departament poi vegnir fatg recurs tar la Dretgira administrativa dal chantun Grischun, Obere Plessurstrasse 1, 7000 Cuira, e quai entaifer 30 dis dapi la communicaziun da la decisiun contestada.

Art. 10 Entrada en vigor

¹ Questas directives entran en vigor ils 17 d'avust 2022.

Tabella da las modificaziuns

Conclus	Entrada en vigor	Element	Midada
USS / DD 1428 dals 17.08.2022	17.08.2022	emprim relasch	
USS / DD 2220 dals 21.12.2023	01.01.2024	art. 1 al. 1, art. 1 al. 2, art. 3 al. 1 lit a, art. 4 al. 1, art. 6 al. 1, art. 6 al. 2	midà nov midà midà midà nov